

1998 nr. 16 25. mars**Vopnalög**

Tóku gildi 1. september 1998. *Breytt með:* L. 82/1998 (tóku gildi 1. okt. 1998). L. 19/1999 (tóku gildi 24. mars 1999). L. 24/2007 (tóku gildi 29. mars 2007). L. 124/2008 (tóku gildi 1. okt. 2008). L. 77/2011 (tóku gildi 29. júní 2011). L. 77/2015 (tóku gildi 22. júlí 2015; *EES-samningurinn*: II. viðauki tilskipun 2007/23/EB, 2008/43/EB). L. 33/2017 (tóku gildi 16. júní 2017; *EES-samningurinn*: II. viðauki reglugerð 98/2013). L. 137/2019 (tóku gildi 31. des. 2019). L. 141/2019 (tóku gildi 1. jan. 2020).

Ef í lögum þessum er getið um ráðherra eða ráðuneyti án þess að málefnavið sé tilgreint sérstaklega eða til þess vísað, er átt við **dómsmálaráðherra** eða **dómsmálaráðuneyti** sem fer með lög þessi.

I. kafli. Gildissvið laganna.**■ 1. gr.**

□ Með vopni er í lögum þessum átt við hvert það tæki eða efni sem unnt er að beita til að deyða eða skaða heilsu manna eða dýra tímabundið eða varanlega, enda sé með tilliti til aðstæðna ástæða til að ætla að fyrirhugað sé að nota tækið eða efnið í slíkum tilgangi.

□ Með skotvopni er í lögum þessum átt við vopn eða tæki sem hægt er með sprengikrafti, samanþjöppuðu lofti eða á annan sambærilegan hátt að skjóta úr kúlum, höglum eða öðrum skeytum.

□ Með skotfærum er í lögum þessum átt við hvers konar skot eða skeyti sem gerð eru til að skjóta úr skotvopnum.

□ Með sprengiefni er í lögum þessum átt við fast eða fljótandi efni eða efnablöndu sem hefur þann eiginleika að geta sprungið við högg, þrýsting eða hita, svo og kveikiefni, svo sem hvellhettur og kveikiþræði.

□ Með skoteldum er í lögum þessum átt við [hvers konar hluti sem innihalda efni eða efnablöndu, þ.e. annað sprengiefni en greinir í 4. mgr., sem getur sprungið og ætlað er, með íkveikju eða á annan hátt, að gefa frá sér hita, ljós, hljóð, lofttegund eða reyk með útvermnum, sjálfbærum efnaferlum].¹⁾

□ [Með forefnum til sprengiefnagerðar er í lögum þessum átt við efni og/eða blöndur sem sæta takmörkunum eða eru tilkynningarskyld og hægt er að misnota til ólöglegar framleiðslu sprengiefna, og sem talin eru upp í reglugerð sem ráðherra setur til innleiðingar á ákvæðum reglugerðar Evrópuþingsins og ráðsins (ESB) nr. 98/2013 um markaðssetningu og notkun forefna sprengiefna.]²⁾

□ Ráðherra er heimilt með reglugerð að ákveða nánar en um getur í 2.–5. mgr. hvaða efni og tæki skuli teljast skotvopn, skotfæri, sprengiefni eða skoteldar og kveða nánar á um flokkun þeirra.

¹⁾ L. 77/2015, 1. gr. ²⁾ L. 33/2017, 1. gr.

■ 2. gr.

□ Ákvæði laga þessara gilda um:

- skotvopn,
- skotfæri,
- sprengiefni [og forefni til sprengiefnagerðar],¹⁾
- skotelda,

e. önnur vopn, svo sem hnúajárn, örvaboga, högg-, stungu- eða eggvopn, rafmagnsvopn, gasvopn og táragas-efni,

f. efni og tæki sem samkvæmt skilgreiningu 1. gr. teljast ekki til skotvopna, skotfæra, sprengiefna eða skotelda en hafa svipaða eiginleika og verkanir og

- eftirlíkingar þeirra vopna sem getur í a–f-liðum.

□ Ákvæði laganna gilda einnig um einstaka hluta þeirra efna og tækja sem tilgreind eru í 1. mgr., svo sem láshús, hlaup, hvellhettur og púður.

□ Ráðherra skal setja í reglugerð nánari ákvæði um meðferð og notkun vopna sem greinir í 1. og 2. mgr. Þar er m.a. heimilt að kveða á um bann við einstökum vopnum.

¹⁾ L. 33/2017, 2. gr.

■ 3. gr.

□ Lög þessi gilda ekki um vopn, tæki og efni skv. 1. og 2. gr. sem eru í eigu Landhelgisgæslu, lögreglu, fangelsa eða erlendra lögreglumanna eða öryggisvarða sem starfa undir stjórn lögreglu. Ráðherra setur um þau sérstakar reglur.¹⁾

□ Ákvæði laganna gilda ekki um eftirgreind tæki og efni, en ráðherra getur sett um þau sérstakar reglur:²⁾

a. naglabyssur og skothamra sem ætluð eru til að nota í byggingariðnaði,

b. línubyssur og tilheyrandi skotfæri, merkjabyssur eða önnur slík skotvopn og skotelda sem eingöngu eru notaðir við björgunarstörf,

c. vopn og tæki sem eingöngu eru notuð við aflifun dýra í löggiltum sláturhúsum,

d. önnur tæki og efni sem valda óverulegri hættu samkvæmt ákvörðun ráðherra.

¹⁾ Augl. 156/2015. Augl. 157/2015. ²⁾ Rgl. 464/2000.

II. kafli. Framleiðsla, innflutningur, útflutningur og verslun.**■ 4. gr.**

□ Enginn má framleiða skotvopn, skotfæri [eða sprengiefni]¹⁾ í atvinnuskyni nema með leyfi [lögreglustjóra].²⁾ Áður en leyfi er veitt skal leita umsagnar . . .²⁾ Vinnueftirlits ríkisins og slökkviliðsstjóra eða annarra yfirvalda er með brunamál fara.

□ Leyfi skv. 1. mgr. má aðeins veita þeim einstaklingi sem hefur skotvopnaleyfi og sýnir að öðru leyti fram á hæfni sína til framleiðslunnar.

□ Heimilt er að veita skráðu félagi eða firma leyfi skv. 1. mgr., enda tilnefni það einn starfsmann sinn eða fleiri sem fullnægja skilyrðum 2. mgr. til þess að annast framleiðsluna.

□ Handhafa skotvopnaleyfis er heimilt að fengnu leyfi lögreglustjóra að hlaða skothylki til eigin nota í þau skotvopn sem hann hefur leyfi fyrir, enda sé heimilt að nota slík skotfæri hér á landi. Skilyrði slíks leyfis eru að lögreglustjóri telji viðkomandi hafa nægilega þekkingu til þess að hlaða skothylki og fara með hleðslubúnað, að hann hafi haft skotvopnaleyfi í a.m.k. eitt ár og gengist undir námskeið í hleðslu skotfæra, en ríkislögreglustjóri þarf að samþykkja námsefni og fyrirkomulag slíkra námskeiða. Í leyfi skal koma fram hversu mikið magn af púðri, hvellhettum og skothylkjum leyfishafa er heimilt að kaupa.

□ Ráðherra setur í reglugerð nánari ákvæði um réttindi og skyldur framleiðanda samkvæmt þessari grein, þar með talið um framleiðslu, búnað framleiðsluhúsnæðis og nauðsynlegar öryggisreglur. Áður en slík reglugerð er sett skal haft samráð við Vinnueftirlit ríkisins og Brunamálastofnun ríkisins.

¹⁾ L. 77/2015, 2. gr. ²⁾ L. 24/2007, 11. gr.

■ 5. gr.

□ Enginn má flytja til landsins skotvopn, skotfæri [eða sprengiefni]¹⁾ [í atvinnuskyni nema með leyfi lögreglustjórans á höfuðborgarsvæðinu].²⁾ Leyfi til verslunar með skotvopn, skotfæri [eða sprengiefni]¹⁾ skv. 7. gr. felur jafnframt í sér leyfi til innflutnings á þeim vörum. . .²⁾ Áður en leyfi er veitt til innflutnings skotvopna skal leita umsagnar . . .²⁾ slökkviliðsstjóra eða annarra yfirvalda er með brunamál fara. Sé sótt um leyfi til innflutnings á sprengiefni skal og leita umsagnar Vinnueftirlits ríkisins.

□ [Lögreglustjóra]²⁾ er heimilt að veita þeim sem hafa skotvopnaleyfi leyfi til innflutnings skotvopna og skotfæra til eigin nota samkvæmt nánari ákvæðum sem ráðherra setur í reglugerð.

□ Óheimilt er að flytja til landsins eða framleiða skotvopn sem ekki eru númeruð eintaksnúmeri framleiðanda. [Lögreglustjóra]²⁾ er heimilt að víkja frá þessu skilyrði þegar skotvopn hefur ótvírætt söfnunargildi.

□ Óheimilt er að flytja inn eða framleiða:

- a. sjálfvirka eða hálfjálfvirka skammbyssu,
- b. sjálfvirkan eða hálfjálfvirkan riffil,
- c. sjálfvirka haglabyssu,

d. hálfjálfvirka eða handhlaðna fjölskota haglabyssu með skothylkjahólfulum sem tekur fleiri en tvö skothylki nema henni hafi verið breytt til samræmis við þennan áskilnað.

□ Innflutningur og framleiðsla á eftirlíkingum vopna er bannaður, enda sé ástæða til að ætla að erfitt sé að greina þær frá fyrirmyndinni.

□ Óheimilt er að flytja til landsins, framleiða eða eiga sérstaklega hættulegar tegundir vopna, eða hluta þeirra, sem eingöngu eru ætluð til nota í hernaði, svo og slík skotfæri, skotelda og sprengiefni.

□ Þrátt fyrir ákvæði 1.–6. mgr. er heimilt með leyfi [Lögreglustjórans á höfuðborgarsvæðinu, að fenginni umsögn ríkislögreglustjóra],²⁾ að framleiða vopn til útflutnings. [Lögreglustjórin á höfuðborgarsvæðinu getur og, að fenginni umsögn ríkislögreglustjóra],²⁾ heimilað innflutning slíkra vopna ef þau hafa ótvírætt söfnunargildi vegna aldurs þeirra eða tengsla við sögu landsins. [Sama gildir ef slík vopn eru sérhönnuð og sannanlega ætluð til íþróttaiðkunar skv. 17. gr.]³⁾

□ Ráðherra setur í reglugerð nánari ákvæði um framkvæmd innflutnings samkvæmt þessari grein, m.a. um staðfestingu lögreglustjóra á vörureikningum áður en tollafgreiðsla fer fram, um innflutning þeirra efna og tækja sem greind eru í 3.–6. mgr. og eftirlíkinga þeirra. Í reglugerðinni er einnig heimilt að ákveða nánar hvaða efni og tæki megi flytja til landsins og um prófun þeirra, merkingar og gæðaeftirlit.

¹⁾ L. 77/2015, 2. gr. ²⁾ L. 24/2007, 12. gr. ³⁾ L. 19/1999, 1. gr.

■ [5. gr. a.

□ Sá sem framleiðir, flytur inn, flytur út eða verslar með sprengiefni skal sjá til þess að sprengiefni, þ.m.t. smæstu einingar þess, sé sérstaklega auðkennt með sérstökum auðkennum og að upplýsingar um sprengiefnið séu skráðar samkvæmt nánari fyrirmælum í reglugerð svo að rekja megi feril þess.]¹⁾

¹⁾ L. 77/2015, 3. gr.

■ 6. gr.

□ [Enginn má flytja úr landi skotvopn, skotfæri [eða sprengiefni]¹⁾ nema með leyfi lögreglustjóra, enda liggi fyrir staðfesting frá þar til bærum yfirvöldum um heimild fyrir innflutningi. Ákvæði þetta á aðeins við þegar um varanlegan útflutning er að ræða.]²⁾

□ Ekki þarf leyfi fyrir greindum tækjum og efnum sem flutt eru úr landi með skipum eða flugförum ef þessar vörur teljast vera nauðsynlegur búnaður skips eða flugfars.

¹⁾ L. 77/2015, 2. gr. ²⁾ L. 24/2007, 13. gr.

■ 7. gr.

□ Enginn má versla með skotvopn, skotfæri [eða sprengiefni]¹⁾ nema að fengnu leyfi [lögreglustjóra].²⁾

□ Leyfi skv. 1. mgr. má aðeins veita þeim einstaklingi sem hefur verslunarleyfi og skotvopnaleyfi eða sérþekkingu á

þeim vörum sem þar um ræðir eftir nánari reglum sem ráðherra setur.

□ Leyfi skv. 1. mgr. má veita skrásettu firma eða félagi sem hefur verslunarleyfi, enda tilnefni firmað eða félagið mann sem fullnægi skilyrðum 2. mgr. og hafi umsjón með daglegri verslun og ábyrgist vörslu varanna ásamt stjórnendum firmans eða félagsins.

□ . . . ³⁾

□ Aðeins skal veita þeim leyfi skv. 1. mgr. sem hafa til umráða fullnægjandi húsnæði til þess að geyma í þargreindar vörur. Ráðherra setur í reglugerð ákvæði um slíkt húsnæði og um vörslu varanna.

□ Áður en leyfi skv. 1. mgr. er veitt skal leita umsagnar viðkomandi . . . ²⁾ slökkviliðsstjóra eða annarra yfirvalda sem með brunamál fara.

□ Leyfi skv. 1. mgr. skal ekki veita til lengri tíma en fimm ára eða til skemmri tíma ef ástæða þykir til að mati [lögreglustjóra].²⁾

¹⁾ L. 77/2015, 2. gr. ²⁾ L. 24/2007, 14. gr. ³⁾ L. 77/2015, 4. gr.

■ 8. gr.

□ [Lögreglustjóra]¹⁾ er heimilt að veita leyfi til reksturs skotvopnaleygu, enda sé fullnægt ákvæðum 2., 3., 5., 6. og 7. mgr.

□ Ráðherra skal setja reglugerð um rekstur skotvopnaleygu og þar skal m.a. kveða nánar á um skilyrði sem leigutaki og leigusali skulu fullnægja, svo og um starfsemina að öðru leyti.

¹⁾ L. 24/2007, 15. gr.

■ 9. gr.

□ Verslunareigandi, innflytjandi eða framleiðandi skotvopna, skotfæra [og sprengiefna]¹⁾ skal halda færslubók yfir keypt og seld skotvopn og skotfæri. Skal hann gefa viðkomandi lögreglustjóra, hvenær sem hann óskar þess, nákvæmar upplýsingar um seldar vörur og óseldar vörubirgðir.

□ Lögreglustjóri getur, hvenær sem er og án sérstakrar heimildar, krafist þess að fá aðgang að húsnæði þar sem skotvopn, skotfæri . . . ¹⁾ eða sprengiefni er framleitt eða þar sem birgðir af þessum vörum eru geymdar.

¹⁾ L. 77/2015, 5. gr.

■ 10. gr.

□ Sá sem hefur fengið leyfi til að versla með skotvopn, skotfæri [eða sprengiefni]¹⁾ eða leyfi til reksturs skotvopnaleygu má ekki selja eða á annan hátt afhenda þargreindar vörur öðrum en þeim sem sýnir skilríki fyrir því að hann megi kaupa eða taka á móti vörunum.

□ Óheimilt er að afhenda kaupanda skotfæri í önnur vopn en þau sem hann hefur heimild til að nota samkvæmt skilríkjum þeim sem hann framvísar skv. 1. mgr. Sama gildir um kaup á púðri og nauðsynlegum hlutum til hleðslu skotfæra skv. 2. mgr. 2. gr.

□ Ráðherra er heimilt í reglugerð að setja takmarkanir á magn skotfæra sem einstaklingi er heimilt að kaupa.

¹⁾ L. 77/2015, 2. gr.

■ 11. gr.

□ Þeim sem hefur leyfi til verslunar með skotvopn, skotfæri eða sprengiefni eða reksturs skotvopnaleygu og þeim sem hefur leyfi til sýninga og söfnunar skv. 15. gr. er ekki heimilt að nota greindar vörur nema með leyfi viðkomandi lögreglustjóra.

III. kafli. Meðferð skotvopna og skotfæra.**■ 12. gr.**

□ Enginn má eignast eða nota skotvopn nema að fengnu skotvopnaleyfi. Leyfið veitir lögreglustjóri í umdæmi þar sem umsækjandi á lögheimili. Lögreglustjóra er heimilt að veita undanþágu frá skilyrði um að hafa skotvopnaleyfi fyrir þann sem er á æfingum á vegum viðurkenndra skotfélaga á viðurkenndu æfingasvæði. [Ef umsækjandi er ríkisborgari eða lögaðili annars ríkis innan Evrópska efnahagssvæðisins eða aðildarríkis stofnsamnings Fríverslunarsamtaka Evrópu skal umsókn um leyfi beint til lögreglustjórans á höfuðborgarsvæðinu. Hið sama gildir um ríkisborgara Færeyja og lögaðila þar í landi.]¹⁾

□ Skotvopnaleyfi skal vera skriflegt. Í því skal tilgreina nafn, kennitölu og heimilisfang leyfishafa. Þar skal vera nýleg ljósmynd af leyfishafa. Einnig skal tilgreina nákvæmlega hvers konar skotvopn leyfishafa er heimilt að nota. Í skotvopnaleyfi skal skrá öll skotvopn í eigu leyfishafa, gerð þeirra, lástegund, hlauptídd, hámarksfjöldi skota og eintaksnúmer framleiðanda. Lögreglustjóra er heimilt að setja sérstök skilyrði fyrir leyfi telji hann þess þörf.

□ Skotvopnaleyfi skal ekki gefið út til lengri tíma en tíu ára í senn og til skemmri tíma ef ástæða þykir til. Við endurnýjun skotvopnaleyfis er lögreglustjóra heimilt að kanna hæfni leyfishafa ef sérstök ástæða þykir til.

¹⁾ L. 77/2011, 13. gr.**■ 13. gr.**

□ Veita má leyfi fyrir skotvopnum til veiða, íþróttaiðkunar skv. 17. gr., starfa skv. 14. gr. og til sýninga og söfnunar skv. 15. gr. Umsækjandi skal gera grein fyrir því í hverju skyni sótt sé um leyfi. Skilyrði fyrir veitingu skotvopnaleyfis eru:

a. að hafa náð 20 ára aldri og hafa ekki verið sviptur sjálf-ræði. Í reglugerð er heimilt að víkja frá þessu aldurskilyrði vegna íþróttaskotfimi, sbr. 17. gr.,

b. að hafa ekki gerst brotlegur við ákvæði almennra hegningarlaga, áfengis laga, laga um ávana- og fíkniefni, laga um vernd, friðun og veiðar á villtum fuglum og villtum spendýrum eða þessara laga,

c. að hafa nægilega kunnáttu til þess að fara með skotvopn, vera andlega heilbrigður og að öðru leyti hæfur til þess að fara með skotvopn.

□ Lögreglustjóri getur veitt leyfi fyrir skotvopni þótt viðkomandi hafi brotið ákvæði laga þeirra sem tilgreind eru í b-lið 1. mgr. ef brot er smávægilegt eða langt um liðið frá því að brot var framið. Að liðnum tveimur árum frá því að brot var framið getur lögreglustjóri þó veitt umsækjanda leyfi, enda hafi refsing ekki farið fram úr sektum eða [fangelsi allt að 6 mánuðum]¹⁾ og ekki verið um að ræða árasar- eða ofbeldisbrot, brot á lögum um ávana- og fíkniefni, ítrekuð ölvunarbrot eða brot á lögum um vernd, friðun og veiðar á villtum fuglum og villtum spendýrum eða lögum þessum.

□ Þeir sem sækja um leyfi fyrir skotvopnum skulu sækja námskeið í meðferð og notkun skotvopna. [Kostnaður vegna námskeiða og prófa greiðist með gjaldi sem ráðherra ákveður að fengnum tillögum ríkislögreglustjóra. Ráðherra setur í reglugerð ákvæði um námskeið þessi og próf, þ.m.t. námskeiðs- og prófagjöld.]²⁾

□ Lögreglustjóri getur veitt manni búsettum erlendis tíma-bundið leyfi fyrir skotvopni, enda fullnægi viðkomandi skil-

yrðum 1. mgr. Ráðherra setur í reglugerð nánari ákvæði um tímabundið skotvopnaleyfi.

¹⁾ L. 82/1998, 242. gr. ²⁾ L. 124/2008, 1. gr.**■ 14. gr.**

□ Lögreglustjóri getur veitt félagi, stofnun eða einstaklingi leyfi til þess að eiga skotvopn ef slíkur aðili þarf nauðsynlega á því að halda vegna starfsemi sinnar. Í slíku tilviki skal tilnefndur ákveðinn aðili er annist vörslu skotvopnanna og tilheyrandi skotfæra.

□ . . . ¹⁾

¹⁾ L. 24/2007, 16. gr.**■ 15. gr.**

□ [Lögreglustjóri]¹⁾ getur heimilað einstaklingi, samtökum og opinberu safni að eiga og varðveita skotvopn sem hefur ótvírætt söfnunargildi vegna aldurs, tengsla við sögu landsins eða af öðrum sérstökum ástæðum. Ráðherra setur í reglugerð nánari ákvæði um þessi atriði. Heimilt er að veita sömu aðilum leyfi til að eiga og varðveita takmarkað magn skotfæra fyrir framangreind vopn, enda hafi skotfærin ótvírætt söfnunargildi.

□ Óheimilt er að nota vopn skv. 1. mgr. til veiða og kaupa fyrir þau skotfæri nema með leyfi [lögreglustjóra].¹⁾ Vopn þessi skal skrá sérstaklega í skotvopnaskrá.

¹⁾ L. 24/2007, 17. gr.**■ 16. gr.**

□ Skotvopni, sem er hluti dánarbús, skal innan tólf mánaða frá andláti leyfishafa ráðstafað til aðila sem hefur leyfi til að eiga slíkt skotvopn. Þegar um er að ræða skotvopn sem hefur ótvírætt minja- eða tilfinningagildi er heimilt að víkja frá þessu skilyrði, enda verði skotvopnið gert óvirkt.

■ 17. gr.

□ Félag sem hefur iðkun skotfimi að markmiði skal leita leyfis [lögreglustjóra].¹⁾ . . . ¹⁾ Ráðherra setur í reglugerð nánari ákvæði um slík leyfi.

□ Ráðherra skal í reglugerð²⁾ setja nánari ákvæði um skotvopnaleyfi til einstaklinga til iðkunar skotfimi og um leyfi til skottfélaga til eignar á skotvopnum.

¹⁾ L. 24/2007, 18. gr. ²⁾ Rg. 787/1998, sbr. 433/2007 og 846/2007.**■ 18. gr.**

□ Halda skal sérstaka skotvopnaskrá fyrir landið í heild. Í hana skrá lögreglustjórar upplýsingar um veitt skotvopnaleyfi samkvæmt reglum er ráðherra setur í reglugerð. Í skotvopnaskrá skal skrá allar breytingar á skotvopnum skv. 38. gr. Þar skal jafnframt skrá öll horfin skotvopn.

■ 19. gr.

□ Eiganda skotvopns er óheimilt að selja, gefa eða afhenda á annan hátt skotvopn til eignar, nema viðtakandi sýni fram á að hann hafi leyfi lögreglustjóra til að eiga það eða nota.

□ Eiganda skotvopns er heimilt að lána það manni til tíma-bundinna afnota sem leyfi hefur til að nota sams konar skotvopn. Ráðherra setur í reglugerð nánari ákvæði um slík afnot.

■ 20. gr.

□ Hver sá sem fer með eða notar skotvopn skal hafa skotvopnaleyfi meðferðis og sýna það þegar lögregla krefst þess. Nú sýnir maður ekki skotvopnaleyfi og getur þá lögregla tekið vopnið í sína vörslu til bráðabirgða þar til viðkomandi leggur fram skilríki fyrir því að hann hafi heimild til þess að nota vopnið.

□ Nú er viðkomandi með vopnið að láni eða á leigu og skal hann þá leggja fram skriflega heimild eiganda skotvopnsins því til sönnunar.

■ 21. gr.

□ Sá sem fer með eða notar skotvopn skal ætíð gæta fyllstu varúðar. Óheimilt er að bera skotvopn á almannafæri. Við burð og flutning á skotvopnum milli staða skulu þau vera óhlaðin og í umbúðum. Óheimilt er að bera þau á sér inn-anklæða.

□ Þeim sem er undir áhrifum áfengis eða annarra vímuegja er óheimil meðferð skotvopns.

□ Þegar ástæða er til að ætla að maður hafi brotið framangreind ákvæði getur lögregla fært hann til læknisrannsóknar, þar á meðal blóð- og þvagrannsóknar, og er honum þá skylt að hlíta þeirri meðferð sem heilbrigðisstarfsmaður telur nauðsynlega vegna rannsóknarinnar.

□ Ekki má hleypa af skoti á vegi, yfir veg, úr ökutæki, á almannafæri eða annars staðar þar sem hætta getur stafað af, nema nauðsyn krefji.

□ Ekki má hleypa af skoti á annars manns landi eða skjóta yfir annars manns land án leyfis landeiganda eða ábúanda nema lög mæli öðruvísi fyrir um. Mál út af broti á ákvæðum þessarar málsgreinar skal því aðeins höfða að sá krefjist sem misgert var við.

■ 22. gr.

□ Ekki má afhenda öðrum skotfæri en þeim sem skráður er fyrir því skotvopni sem þau eru ætluð fyrir, enda framvísi viðkomandi leyfi fyrir skotvopninu. Ráðherra getur sett nánari ákvæði um afhendingu skotfæra í reglugerð, þar á meðal um bann við einstökum gerðum skotfæra.

■ 23. gr.

□ Eigandi eða vörsluadili skotvopns og skotfæra skal ábyrgjast vörslu þeirra með þeim hætti að óviðkomandi aðili nái ekki til þeirra.

□ Þegar skotvopn og skotfæri eru ekki í notkun skulu skotvopn annars vegar og skotfæri hins vegar geymd í aðskildum og læstum hirslum. Ráðherra setur í reglugerð nánari ákvæði um vörslu skotvopna og skotfæra. Er m.a. heimilt að setja skilyrði um tiltekna geymslu skotvopna eftir að tilteknum skotvopnafjölda er náð.

■ 24. gr.

□ Skotfélagi eða öðrum er óheimilt að efna til skotkeppni eða skotæfinga á öðru svæði en lögreglustjóri hefur leyft að notað verði til slíkrar starfsemi.

□ Ráðherra setur í reglugerð nánari ákvæði um gerð og bún- að skotsvæða, þar með talið um geymslu skotvopna og skotfæra. Samráð skal haft við Vinnueftirlit ríkisins og Brunamálastofnun ríkisins áður en slíkar reglur eru settar.

□ Áður en leyfi skv. 1. mgr. er veitt skal lögreglustjóri leita umsagnar sveitarstjórnar, Vinnueftirlits ríkisins og Brunamálastofnunar ríkisins.

■ 25. gr.

□ Nú eyðileggst skotvopn eða því er fargað og skal það þá afskráð. Týnist skotvopn eða sé því stolið skal eigandi þess tilkynna lögreglu um það þegar í stað og skal hvarfið skráð í skotvopnaskrá.

IV. kafli. Meðferð sprengiefnis.

■ 26. gr.

□ Enginn má kaupa sprengiefni nema að fengnu leyfi lögreglustjóra. Leyfið veitir lögreglustjóri í því umdæmi þar sem leyfisbeiðandi hefur lögheimili. Ef umsækjandi er lögaðili veitir lögreglustjóri leyfið þar sem starfsstöð umsækjandans er. [Ef umsækjandi er ríkisborgari eða lögaðili annars ríkis innan Evrópska efnahagssvæðisins eða aðildarríkis stofnsamnings Fríverslunarsamtaka Evrópu skal umsókn um leyfi

beint til lögreglustjórans á höfuðborgarsvæðinu. Hið sama gildir um ríkisborgara Færeyja og lögaðila þar í landi.]¹⁾

□ Aðeins má veita þeim leyfi til þess að kaupa sprengiefni sem sýnir fram á að honum sé það nauðsynlegt.

□ Leyfi samkvæmt þessari grein skal gefið út fyrir ákveðinni tegund og magni sprengiefnis.

□ Eigandi sprengiefnis skal ábyrgjast vörslur þess og sjá um að óviðkomandi nái ekki til þess.

□ Þegar lögaðili fær leyfi skv. 1. mgr. skal hann að jafnaði tilnefna ákveðinn mann eða menn sem annist vörslur sprengiefnins.

□ Þeim sem fengið hefur leyfi til þess að kaupa sprengiefni er óheimilt að afhenda það öðrum nema með leyfi lögreglustjóra.

¹⁾ L. 77/2011, 13. gr.

■ 27. gr.

□ Sá einn má fara með sprengiefni og annast sprengingar sem fengið hefur til þess leyfi lögreglustjóra. Leyfið veitir lögreglustjóri í því umdæmi þar sem umsækjandi á lögheimili og gildir það í fimm ár frá útgáfudegi. [Ef umsækjandi er ríkisborgari eða lögaðili annars ríkis innan Evrópska efnahagssvæðisins eða aðildarríkis stofnsamnings Fríverslunarsamtaka Evrópu skal umsókn um leyfi beint til lögreglustjórans á höfuðborgarsvæðinu. Hið sama gildir um ríkisborgara Færeyja og lögaðila þar í landi.]¹⁾

□ Aðeins má veita þeim leyfi skv. 1. mgr. sem að mati Vinnueftirlits ríkisins hefur næga kunnáttu til þess að fara með sprengiefni eftir nánari ákvæðum sem ráðherra setur í reglugerð.

□ Sá sem fer með og notar sprengiefni skal ætíð gæta fyllstu varúðar.

□ [Óheimilt er að búa til, varðveita, hafa í förum sínum, selja, flytja til landsins eða flytja úr landi heimatilbúnar sprengjur.]²⁾

¹⁾ L. 77/2011, 13. gr. ²⁾ L. 33/2017, 3. gr.

■ [27. gr. a.]

□ Almennum borgurum er óheimilt, í öðru skyni en vegna atvinnugreinar sinnar, viðskipta eða starfsgreinar, að hafa í förum sínum og nota forefni til sprengiefnagerðar, sem sæta takmörkunum, í meiri styrkleika en viðmiðunarmörk samkvæmt reglugerð kveða á um.

□ Ráðherra getur í reglugerð ákveðið að heimila almennum borgurum að hafa í förum sínum og nota tiltekin efni skv. 1. mgr. í styrkleika yfir viðmiðunarmörkum að því tilskildu að sá sem gerir efnin aðgengileg skrái öll viðskipti í samræmi við 27. gr. c.

□ Ráðherra getur ákveðið að skrá skuli öll viðskipti með forefni skv. 6. mgr. 1. gr. í samræmi við 27. gr. c.]¹⁾

¹⁾ L. 33/2017, 4. gr.

■ [27. gr. b.]

□ Sá sem framleiðir, flytur inn, flytur út eða verslar með forefni til sprengiefnagerðar getur áskilið sér rétt til að hafna grunsamlegum viðskiptum. Skylt er að tilkynna viðskiptin, eða tilraun til slíkra viðskipta, þar á meðal grunsamlegar fyrirsurnir, án óþarfa tafa, þ.m.t., ef mögulegt er, upplýsingar um deili á viðskiptamanninum, til tengiliðar á landsvísu sem ákveðinn er af ráðherra í reglugerð. Aðeins er skylt að tilkynna ef gildar ástæður eru til að ætla að fyrirhuguð viðskipti með eitt eða fleiri efni sem talin eru upp í reglugerð, eða blöndur eða efni sem innihalda þau, séu grunsamleg viðskipti með hliðsjón af öllum aðstæðum og einkum þegar tilvonandi viðskiptamaður:

a. virðist óskýr varðandi fyrirhugaða notkun efnisins eða blöndunnar,

b. virðist ekki vita hver fyrirhuguð notkun efnisins eða blöndunnar er eða getur ekki útskýrt það þannig að trúanlegt sé,

c. hyggst kaupa efni í magni, samsetningu eða styrkleika sem er ekki algennt til einkanota,

d. er ekki viljugur til að sýna fram á hver hann er eða hvar hann býr eða

e. fer fram á að greiða með óvenjulegum hætti, þ.m.t. háar fjárhæðir í reiðufé.

□ Skýlt er að tilkynna um hvarf eða þjófnað á sprengiefni eða miklu magni af forefnum til sprengiefnagerðar sem talin eru upp í reglugerð skv. a- og b-lið 27. gr. d, og blöndum eða efnum sem innihalda þau, til tengiliðar á landsvísu sem ákveðinn er af ráðherra í reglugerð.¹⁾

¹⁾ L. 33/2017, 4. gr.

■ [27. gr. c.

□ Nú ákveður ráðherra með reglugerð að viðskipti með for-efni til sprengiefnagerðar skuli vera skráningarskyld eða að tiltekin forefni sem háð eru takmörkunum verði aðgengileg almennum borgurum í styrkleika yfir viðmiðunarmörkum og skulu þá þeir sem gera efnin aðgengileg halda skrá yfir viðskipti með efnin. Viðskiptamenn skulu gera grein fyrir hverjir þeir eru með því að sýna lögleg skilríki.

□ Í skránni skulu a.m.k. vera eftirfarandi upplýsingar:

a. nafn, heimilisfang og, eftir atvikum, annaðhvort

kennitala viðskiptamanns eða tegund og númer skilríkis,

b. heiti efnisins eða blöndunnar, þ.m.t. styrkleiki,

c. magn efnisins eða blöndunnar,

d. yfirlýsing viðskiptamanns um fyrirhugaða notkun efnisins eða blöndunnar,

e. dagsetning og staður viðskiptanna,

f. undirskrift viðskiptamanns.

□ Skráin skal geymd í fimm ár frá viðskiptadegi. Lögreglustjóri eða [tollyfirvöld geta],¹⁾ hvenær sem er og án sérstakrar heimildar, krafist þess að fá aðgang að skránni.

□ Skráin skal geymd á pappír eða öðrum varanlegum miðli og skal aðgengileg til skoðunar hvenær sem er allt tímabilið sem kveðið er á um í 3. mgr. Öll gögn sem geymd eru rafrænt skulu:

a. vera í samræmi við snið og innihald samsvarandi pappírsskjala og

b. vera tiltæk hvenær sem er allt tímabilið sem kveðið er á um í 3. mgr.

□ Leyfisveitendur skulu senda tengilið á landsvísu sem ákveðinn er af ráðherra í reglugerð yfirlit yfir útgefin leyfi einu sinni á ári en oftast sé þess óskað.²⁾

¹⁾ L. 141/2019, 77. gr. ²⁾ L. 33/2017, 4. gr.

■ [27. gr. d.

□ Ráðherra setur reglugerð¹⁾ um forefni til sprengiefnagerðar sem getur m.a. kveðið á um:

a. tegundir forefna sem sæta takmörkunum,

b. tegundir forefna sem sæta eingöngu tilkynningar-skyldu,

c. tegundir forefna sem sæta skráningarskyldu,

d. viðmiðunar- og styrkleikamörk,

e. skráningu forefna og tilkynningar-skyldu,

f. tengilið á landsvísu,

g. eftirlit,

h. heimatilbúnar sprengjur,

i. merkingar.²⁾

¹⁾ Rg. 510/2018, sbr. 1056/2018. ²⁾ L. 33/2017, 4. gr.

■ 28. gr.

□ Sprengiefni skal geyma í sérstakri sprengiefnageymslu.

□ Ráðherra skal setja í reglugerð¹⁾ ákvæði um geymslu á sprengiefni, um flutning á því og meðferð þess. Áður en slík reglugerð er sett skal leita eftir tillögum frá Brunamálastofnu- un ríkisins og Vinnueftirliti ríkisins.

¹⁾ Rg. 510/2018, sbr. 1056/2018.

■ 29. gr.

□ Nú finnst sprengiefni eða hlutir, sem ætla má að hafi að geyma sprengiefni, rekið á land eða á víðavangi og skal þá finnandi, landeigandi eða ábúandi þegar tilkynna lögreglustjóra um fundinn.

V. kafli. Meðferð annarra vopna.

■ 30. gr.

□ Vopnaburður á almannaferi er bannaður. Heimilt er að bera á sér bitvopn þar sem eðlilegt og sjálfsagt getur talist, svo sem við vinnu eða veiðar eða í öðrum tilvikum þegar engin hættu er því samfara.

□ Bannað er að flytja til landsins, framleiða, eignast eða hafa í vörslum sínum:

a. bitvopn ef blaðið er lengra en 12 sm, enda sé það ekki ætlað til notkunar við heimilishald eða atvinnu,

b. fjaðrahníf, fjaðrarýting, fallhníf, fallrýting, stunguvopn eða önnur slík vopn,

c. höggvopn, svo sem hnúajárn, gaddakylfu, felukylfu, kylfu sem ekki er ætluð til íþróttaiðkunar eða önnur slík vopn, svo og rafmagnsvopn,

d. sverð, sem eru sambland högg- og bitvopna,

e. kaststjörnu, kasthníf eða önnur slík vopn,

f. lásboga, langboga, slöngubyssu eða önnur slík vopn, svo og örvarodda. Þetta tekur þó ekki til boga sem ætlaðir eru til æfinga eða keppni í bogfimi.

□ Heimilt er að víkja frá banni 2. mgr. með leyfi ríkislög- reglustjóra ef vopn hefur söfnunargildi eða sérstakar ástæður mæla með.

□ Öðrum en lögreglu er óheimilt að flytja til landsins, framleiða eða eignast handjárn og fótajárn úr málmni eða öðru efni. [Sama gildir um úðavopn, svo sem gasvopn og táragas- vopn.]¹⁾

¹⁾ L. 24/2007, 19. gr.

■ 31. gr.

□ Barni yngra en 16 ára má ekki selja eða afhenda örvarboga með meiri togkrafti en 7 kg eða oddhvarsar örvar.

VI. kafli. [Framleiðsla, inn- og útflutningur, verslun og meðferð skotelda.]¹⁾

¹⁾ L. 77/2015, 6. gr.

■ [32. gr.

□ Enginn má flytja inn, flytja út eða versla með skotelda nema með leyfi lögreglustjóra. Áður en leyfi er veitt skal leita umsagnar Vinnueftirlits ríkisins og slökkviliðsstjóra.

□ Leyfi skv. 1. mgr. má veita þeim einstaklingi sem hefur verslunarleyfi, sérþekkingu á skoteldum eftir nánari reglum sem ráðherra setur og hefur til umráða fullnægjandi húsnaði til þess að geyma skotelda.

□ Enginn má framleiða skotelda nema með leyfi lögreglustjóra. Áður en leyfi er veitt skal leita umsagnar Vinnueftirlits ríkisins og slökkviliðsstjóra. Skilyrði fyrir því að fá leyfi til framleiðslu skotelda eru þau að viðkomandi:

a. hafi náð 20 ára aldri og hafi ekki verið sviptur sjálfræði,

b. hafi ekki gerst brotlegur við ákvæði almennra hegning- arlaga, áfengislaga og laga um ávana- og fíkniefni,

c. hafi nægjanlega kunnáttu til þess að fara með skotelda, sé andlega heilbrigður og að öðru leyti hæfur til þess að fara með skotelda,

d. hafi hlotið faggildingu samkvæmt lögum um faggildingu o.fl.

□ Leyfi samkvæmt kafla þessum gilda í fimm ár. Ráðherra er heimilt að ákveða í reglugerð að leyfishafi skuli sækja námskeið og gangast undir próf áður en réttindi hans eru endurnýjuð.

□ Óheimilt er að veita lögaðila leyfi skv. 1. og 3. mgr. nema hann tilnefni einn starfsmann sinn sem fullnægir skilyrðum 2. mgr. eða eftir atvikum 3. mgr. til þess að annast framleiðslu, innflutning, útflutning eða verslun með skotelda. Skal hann hafa umsjón með daglegri starfsemi, svo og með geymslu og annarri meðferð skoteldanna. Telst hann ábyrgur fyrir meðferð og vörslu skoteldanna ásamt stjórnendum lögaðilans.

□ Í sérstökum tilvikum er heimilt að veita félagasamtökum leyfi til að selja skotelda í smásölu.

□ Um ábyrgð á framleiðslu skotelda fer samkvæmt lögum um skaðsemisábyrgð.

□ Sá sem framleiðir, flytur inn eða verslar með skotelda skal sjá til þess að skoteldavörur séu merktar með sýnilegum, læsilegum og óafmáanlegum hætti á íslensku. Vörur sem eru fluttar úr landi skal með sama hætti merkja á því tungumáli sem teljast verður opinbert tungumál í því landi þar sem varan er seld.

□ Framleiðendur og innflytjendur skotelda skulu halda skrá yfir framleidda og innflutta skotelda svo sem nánar er ákveðið í reglugerð. Skrárnar skal varðveita í 10 ár eftir að vara er sett á markað.

□ Sá sem framleiðir, flytur inn eða verslar með skotelda skal veita viðkomandi lögreglustjóra og Neytendastofu, hvenær sem þess er óskað, aðgang að birgðabókhalda og nákvæmar upplýsingar um framleiðsluna, seldar vörur og óseldar birgðir. Þá getur lögreglustjóri, hvenær sem er og án sérstakrar heimildar, krafist þess að fá aðgang að húsnæði þar sem framleiddir eru skoteldar eða birgðir af þeim geymdar.

□ Ekki þarf leyfi fyrir útflutningi skotelda ef þeir eru fluttir úr landi með skipum eða flugförum og skoteldarnir teljast nauðsynlegur búnaður skips eða flugfars.¹⁾

¹⁾ L. 77/2015, 6. gr.

■ [33. gr.

□ Þeir sem fara með skotelda skulu ætíð gæta fyllstu varúðar. Einungis má selja, framleiða og markaðssetja skotelda sem uppfylla kröfur laga þessara og reglna sem settar eru samkvæmt þeim.

□ Framleiðendur skotelda skulu tryggja að þeir samrýmist þeim öryggiskröfum, m.a. um CE-samræmismarkeringu, sem gerðar eru í reglugerð um skotelda o.fl. og einnig reglum sem settar eru í samevrópskum stöðlum og vísað er til í Stjórnartíðindum eða reglugerðum sem ráðherra er heimilt að setja samkvæmt lögum þessum. Ef framleiðandi skotelda er uttan Evrópska efnahagssvæðisins er innflytjandi þeirra ábyrgur fyrir því að skoteldarnir uppfylli þessar kröfur í samræmi við gildandi lög og reglur sem kveða á um ábyrgð innflytjanda og dreifingaraðila á vöru.

□ Gerðarviðurkenning skotelda skal fara fram hjá tilkynntum aðila sem hefur rétt til að veita slíka viðurkenningu á grundvelli tilskipana, laga og reglugerða sem um hana gilda innan Evrópska efnahagssvæðisins.

□ Nú verður alvarlegt slys af völdum skotelda og skal þá bráðamóttaka sjúkrahúss þegar í stað tilkynna það til lögreglu og Neytendastofu.

□ Skylt er að tilkynna Neytendastofu þegar vart verður gallaðra skotelda í umferð. Neytendastofa sendir og tekur við Rapex-tilkynningum vegna innköllunar á skoteldum á Evrópska efnahagssvæðinu.

□ Öll sala á skoteldum til almennings er óheimil nema að fengnu söluleyfi og samþykki lögreglustjóra varðandi staðsetningu og aðstæður á sölustað. Hið sama gildir um aðrar starfsstöðvar, svo sem geymslur fyrir skotelda til styttri eða lengri tíma. Dreifingaraðilar bera ábyrgð og kostnað af förgun skotelda eftir síðasta söludag eða vegna ákvörðunar um að skoteldar séu teknir af markaði.¹⁾

¹⁾ L. 77/2015, 6. gr.

■ [33. gr. a.

□ Neytendastofa fer með markaðseftirlit með skoteldum í samræmi við ákvæði laga þessara og reglna settra samkvæmt þeim.

□ Neytendastofa annast eftirlit með því að farið sé að ákvæðum 33. gr.

□ Um skyldur framleiðanda og dreifingaraðila, þ.m.t. skyldur til að tilkynna tafarlaust um innköllun vöru af markaði, eftirlit og málsmeðferð, fer að öðru leyti eftir lögum um öryggi vöru og opinbera markaðsgæslu, svo og lögum um skaðsemisábyrgð, eftir því sem við getur átt.

□ Ákvörðunum Neytendastofu sem teknar eru á grundvelli laga þessara verður skotið til áfrýjunarnefndar neytendamála sem starfar á grundvelli 4. gr. laga um Neytendastofu, nr. 62/2005. Ákvörðun Neytendastofu verður ekki borin undir dómstóla fyrr en úrskurður nefndarinnar liggur fyrir.

□ Nú unir aðili ekki úrskurði áfrýjunarnefndar og getur hann þá höfðað mál til ógildingar fyrir dómstólum. Höfða skal mál innan sex mánaða frá því að aðili fékk vitneskju um úrskurð áfrýjunarnefndarinnar. Málshöfðun frestar ekki gildistöku úrskurðar nefndarinnar né heimild til aðfarar.¹⁾

¹⁾ L. 77/2015, 6. gr.

■ [33. gr. b.

□ Ráðherra setur í reglugerð nánari ákvæði um eftirtalin atriði að fenginni umsögn [Húsnæðis- og mannvirkjastofnunar],¹⁾ Neytendastofu og Vinnueftirlits ríkisins:

a. réttindi og skyldur innflytjanda, útflytjanda og dreifingaraðila samkvæmt kafla þessum,

b. skilyrði fyrir leyfisveitingu og flokkun réttinda,

c. námskeið í meðferð og notkun skotelda,

d. sölu og meðferð skotelda, þar á meðal um aldurstakmörk og bann við skoteldum sem teljast skaðlegir,

e. framleiðslu skotelda og búnað framleiðslu- og geymsluhúsnæðis, svo og nauðsynlegar öryggisreglur,

f. hve mikið af skoteldum framleiðanda, innflytjanda og seljanda efnis er heimilt að hafa í umráðum sínum á hverjum tíma,

g. húsnæði fyrir sölu skotelda.]²⁾

¹⁾ L. 137/2019, 19. gr. ²⁾ L. 77/2015, 6. gr.

VII. kafli. Refsingar, eignaupptaka o.fl.

■ 34. gr.

□ Leyfi samkvæmt lögum þessum getur leyfisveitandi afturkallað hvenær sem er ef ekki teljast lengur vera fyrir hendi nauðsynleg skilyrði fyrir leyfinu, leyfishafi hefur ekki farið eftir settum fyrirráðum eða ætla má að leyfishafi muni fara óforsvaranlega með efni og tæki sem leyfið tekur til.

□ Þegar um er að ræða leyfi skv. 12. gr. eða 27. gr. skal lög-
reglustjóri í því umdæmi þar sem leyfishafi á lögheimili taka
ákvörðun um leyfissviptingu án tillits til þess hvar leyfið er
upphaflega gefið út.

□ Lögreglustjóra er heimilt að afturkalla leyfi til bráða-
birgða án fyrirvara ef bryna nauðsyn ber til.

□ Nú er húsnæði, framleiðsluháttum eða vörslu vara ábóta-
vant að mati lögreglustjóra og getur hann þá til bráðabirgða
og án fyrirvara lagt hald á skotvopn, skotfæri, skotelda eða
sprengiefni. Sama á við um önnur vopn samkvæmt lögum
þessum.

■ 35. gr.

□ Þegar leyfi samkvæmt lögum þessum er afturkallað skal
sá sem sviptur er leyfinu skila því til lögreglu ásamt þeim
vopnum, efnum og tækjum sem hann hefur í vörslum sínum
á grundvelli leyfisins.

□ Þegar ekki eru fyrir hendi skilyrði til eignaupptöku get-
ur lögreglustjóri að liðnum einum mánuði frá leyfissviptingu
ákvæðið að selja greindan varning en að sex mánuðum liðn-
um ef um skotvopn er að ræða. Við sölu meðferð skal svo sem
kostur er haft samráð við eiganda varningsins. Söluandvirði
að frádregnum kostnaði skal renna til eiganda.

□ Nú telur lögreglustjóri vopn, efni eða tæki svo lélegt og
verðlaust eða verðlítið að ekki sé rétt að selja það og skal
þá eyðileggja það eða gera óvirkt án greiðslu bóta til handa
eiganda.

■ 36. gr.

□ Brot gegn lögum þessum og reglum sem settar verða sam-
kvæmt þeim varða sektum . . . ¹⁾ eða fangelsi allt að 4 árum,
nema þyngri refsing liggji við eftir öðrum lögum. [Stórfelld
brot eða margfretuð varða fangelsi allt að 6 árum. Með stór-
felldu broti er m.a. átt við brot sem er framið í sambandi við
atvinnustarfsemi eða varðar mörg eða sérstaklega hættuleg
vopn, efni eða tæki eða mikið magn sprengiefnis eða skot-
elda, enn fremur ef hætta eða tjón hefur hlotist af broti.]²⁾

□ [Gera má lögaðila sekt samkvæmt reglum II. kafla A al-
mennra hegningarlaga fyrir brot gegn lögum þessum og regl-
um sem settar eru samkvæmt þeim.]²⁾

□ Tilraun og hlutdeild í brotum á lögum þessum og reglum
settum samkvæmt þeim eru refsiverð skv. III. kafla almennra
hegningarlaga.

¹⁾ L. 82/1998, 242. gr. ²⁾ L. 77/2015, 7. gr.

■ 37. gr.

□ Skotvopn, skotfæri, sprengiefni og skotelda, sem flutt hafa
verið til landsins eða framleidd eru í landinu án heimildar
eða finnast vörslulaus eða í vörslu manns án heimildar, skal
gera upptæk til ríkissjóðs. Jafnframt skal gera upptæk með
sama hætti önnur vopn sem ólögmat teljast samkvæmt lög-
um þessum og reglum settum samkvæmt þeim.

□ Nú fremur maður brot með nefndum tækjum eða efnum
og skilyrði til upptöku þeirra er fyrir hendi, og er þá heimilt,

ef brot er stórfelld, að gera einnig upptæk önnur slík tæki og
efni sem sökunautur hefur leyfi fyrir.

□ Að öðru leyti skal fara um eignaupptöku samkvæmt
ákvæðum 69. gr. almennra hegningarlaga.

□ Ríkislögreglustjóri ákvarðar hvernig geymslu og ráðstöf-
un þeirra vopna er háttað sem haldlögð eru vegna afturköll-
unar leyfis eða gerð eru upptæk samkvæmt kafla þessum.

VIII. kafli. Ýmis ákvæði.

■ 38. gr.

□ Allar breytingar, svo sem á lásgerð, mögulegum skota-
fjölda eða aukabúnaði sem hefur áhrif á eiginleika skotvopns
eða verkan, eru óheimilar nema með leyfi lögreglustjóra.

□ Breytingar skv. 1. mgr. skulu skráðar í skotvopnaskrá og í
skotvopnaleyfi.

■ [39. gr. Innleiðing.

□ Lög þessi fela í sér innleiðingu á tilskipun Evrópuþings-
ins og ráðsins 2007/23/EB frá 23. maí 2007 um að setja á
markað flugeldavörur og tilskipun framkvæmdastjórnarinn-
ar 2008/43/EB frá 4. apríl 2008 um að koma á, samkvæmt
tilskipun ráðsins 93/15/EBE, kerfi til að auðkenna og rekja
sprengiefni til almennra nota, eins og þær voru teknar upp
í samninginn um Evrópska efnahagssvæðið með ákvörðun
sameiginlegu EES-nefndarinnar nr. 119/2010 frá 10. nóvem-
ber 2010 um breytingu á II. viðauka við EES-samninginn frá
2. maí 1992.

□ [Lög þessi fela í sér innleiðingu á reglugerð Evrópuþings-
ins og ráðsins (ESB) nr. 98/2013 frá 15. janúar 2013 um
markaðssetningu og notkun forefna sprengiefna, sbr. ákvörð-
un sameiginlegu EES-nefndarinnar nr. 269/2014 frá 12. des-
ember 2014.]¹⁾²⁾

¹⁾ L. 33/2017, 5. gr. ²⁾ L. 77/2015, 8. gr.

■ [40. gr.]¹⁾

□ Ráðherra getur sett í reglugerð²⁾ nánari ákvæði um fram-
kvæmd laga þessara.

¹⁾ L. 77/2015, 8. gr. ²⁾ Rg. 787/1998, sbr. 688/2003, 162/2007, 433/2007, 846/
2007, 540/2008, 964/2008, 258/2010 og 832/2016. Rg. 414/2017. Rg. 510/2018, sbr.
1056/2018.

■ [41. gr.]¹⁾

□ Lög þessi öðlast gildi 1. september 1998. . . .

¹⁾ L. 77/2015, 8. gr.

■ [Ákvæði til bráðabirgða.

□ Framleiðendur og innflytjendur skv. 2. og 3. mgr. 33. gr.
um CE-samræmismarkeringu og gerðarviðurkenningu skulu
hafa lagað sig að reglunum eigi síðar en 15. janúar 2017.
Ákvæði þetta gildir ekki um skotelda sem eru framleiddir hér
á landi.

□ Óheimilt er að selja skotelda sem fluttir hafa verið inn fyr-
ir 1. janúar 2015 og uppfylla ekki skilyrði 2. mgr. 33. gr. um
CE-samræmismarkeringu til landa innan Evrópska efnahags-
svæðisins.]¹⁾

¹⁾ L. 77/2015, 9. gr.